



N 21/2145
01/06/2022

2145-21-2-202206010947



ი/მ მერაბ ვასაძეს

მის: ოზურგეთის მუნიციპალიტეტი, სოფ. ბაილეთი

ელ. ფოსტა: Merabi.vasadze@yahoo.com

სსიპ გარემოს ეროვნულმა სააგენტომ განიხილა თქვენი №11420 სკრინინგის განცხადება, რომელიც ეხება ოზურგეთის მუნიციპალიტეტში, სოფ. ბაილეთში სამელიორაციო (სარწყავი) სისტემის ექსპლუატაციას.

გაცნობებთ, რომ სკრინინგის განცხადებაში წარმოდგენილი არ არის და დაზუსტებას საჭიროებს დაგეგმილ საქმიანობასთან დაკავშირებული შემდეგი საკითხები:

- დოკუმენტში წარმოდგენილი უნდა იქნეს საქმიანობის განხორციელების ადგილის GIS (გეოინფორმაციული სისტემები) კოორდინატები (shp-ფაილთან ერთად), ასევე საპროექტო ტერიტორიის საკადასტრო კოდი;
- სკრინინგის განცხადება წარმოდგენილი უნდა იქნეს ტერიტორიაზე არსებული ფაქტობრივი მდგომარეობის (განხორციელებული და დაგეგმილი ღონისძიებები) გათვალისწინებით;
- დაზუსტებას საჭიროებს ზედაპირული წყლის ობიექტის დასახელება, საიდანაც გათვალისწინებულია წყალაღება, ვინაიდან, რიგ შემთხვევაში იგი მოხსენიებულია, როგორც „ხევი“, ხოლო რიგ შემთხვევაში – „უსახელო არხი“, ასევე წყალაღების წერტილის GPS კოორდინატები;
- სკრინინგის განცხადებაში წარმოდგენილი უნდა იქნეს აღწერა და სიტუაციური რუკა, სადაც დატანილი იქნება წყალაღების წერტილი და საპროექტო ხაზობრივი ნაგებობის დერეფანი;
- დოკუმენტში აღნიშნულია, რომ წყალაღება მოხდება 5 თვის განმავლობაში. თითოეულ თვეს აღებული წყლის რაოდენობა შეადგენს 725 მ³-ს, ხოლო წელიწადში – 3000–3200 მ³-ს, შესაბამისად, დაზუსტებას საჭიროებს წლიურად ასაღები წყლის ჯამური მოცულობა;
- დოკუმენტში არ არის წარმოდგენილი და დაზუსტებას საჭიროებს წყალაღებისათვის გათვალისწინებული ტუმბოს წარმადობა და თვეების მიხედვით სამარაგო რეზერვუარის შევსების ჯერადობა;
- დოკუმენტში მითითებულია, რომ წყალაღების წერტილიდან აღებული წყალი მილსადენის მეშვეობით შეგროვდება საპროექტო ტერიტორიაზე 50 მ³ მოცულობის

მქონე წყალშემკრებ რეზერვუარში. დაზუსტებას საჭიროებს სამარაგო რეზერვუარის ტიპი (პოლიეთილენის, ბეტონის, გრუნტის და ა.შ.) და მოწყობისას ამოღებული ნიადაგის/გრუნტის შემდგომი მართვის საკითხი;

- დოკუმენტში განხილული უნდა იქნეს სამელიორაციო სისტემის ფუნქციონირების პროცესში ხმაურის გავრცელებით მოსალოდნელი ზემოქმედება.

ზემოაღნიშნულიდან გამომდინარე, სააგენტო კანონმდებლობის შესაბამისად სკრინინგის გადაწყვეტილების გაცემის მიზნით ადმინისტრაციულ წარმოებას დაიწყებს მითითებული შენიშვნების გათვალისწინებით შესწორებული სკრინინგის განცხადების წარმოდგენის შემდეგ.

თეიმურაზ მთივლიშვილი



სააგენტოს უფროსის დროებით ფუნქციების შემსრულებელი

სსიპ გარემოს ეროვნული სააგენტო

